

აჭარის (ზემო აფხაზეთის) მუნიციპალიტეტის საკრებულოს

დადგენილება №7

2025 წლის 6 ივნისი

ქ. თბილისი

„აჭარის (ზემო აფხაზეთის) მუნიციპალიტეტის 2025 წლის ადგილობრივი ბიუჯეტიდან სოციალური დახმარების გაცემის წესის დამტკიცების შესახებ“ აჭარის (ზემო აფხაზეთის) მუნიციპალიტეტის საკრებულოს 2024 წლის 20 დეკემბრის №10 დადგენილებაში ცვლილებების შეტანის თაობაზე

„ადგილობრივი თვითმმართველობის კოდექსი“ საქართველოს ორგანული კანონის 61-ე მუხლის 1-ლი და მე-2 პუნქტების, საქართველოს კანონის „საქართველოს ზოგადი ადმინისტრაციული კოდექსი“ 63-ე მუხლისა და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის საფუძველზე, აჭარის (ზემო აფხაზეთის) მუნიციპალიტეტის საკრებულო ადგენს:

მუხლი 1

„აჭარის (ზემო აფხაზეთის) მუნიციპალიტეტის 2025 წლის ადგილობრივი ბიუჯეტიდან სოციალური დახმარების გაცემის წესის დამტკიცების შესახებ“ აჭარის (ზემო აფხაზეთის) მუნიციპალიტეტის საკრებულოს 2024 წლის 20 დეკემბრის №10 დადგენილებაში (www.matsne.gov.ge; 23/12/2024; 010250050.35.102.016228) შეტანილ იქნეს შემდეგი ცვლილებები:

ა) დადგენილებით დამტკიცებული წესის პირველი მუხლის მე-2 პუნქტის ე) ქვეპუნქტი, მე-2 მუხლის მე-3 პუნქტის ე) ქვეპუნქტი, მე-3 მუხლის მე-2 პუნქტის ე) ქვეპუნქტი, მე-4 მუხლის მე-2 პუნქტის ე) ქვეპუნქტი, მე-5 მუხლის მე-2 პუნქტის ე) ქვეპუნქტი, მე-6 მუხლის მე-2 პუნქტის ე) ქვეპუნქტი, მე-7 მუხლის მე-3 პუნქტის ე) ქვეპუნქტი, მე-8 მუხლის მე-2 პუნქტის გ) ქვეპუნქტი, მე-9 მუხლის მე-2 პუნქტის გ) ქვეპუნქტი, მე-10 მუხლის მე-2 პუნქტის ე) ქვეპუნქტი, მე-11 მუხლის მე-2 პუნქტის ე) ქვეპუნქტი, მე-12 მუხლის მე-2 პუნქტის გ) ქვეპუნქტი, მე-13 მუხლის მე-2 პუნქტის გ) ქვეპუნქტი, მე-14 მუხლის მე-2 პუნქტის ე) ქვეპუნქტი, მე-15 მუხლის მე-2 პუნქტის გ) ქვეპუნქტი, მე-18 მუხლის მე-2 პუნქტის ე) ქვეპუნქტი, მე-19 მუხლის მე-2 პუნქტის დ) ქვეპუნქტი, მე-20 მუხლის მე-2 პუნქტის ვ) ქვეპუნქტი, 21-ე მუხლის მე-3 პუნქტის გ) ქვეპუნქტი, 22-ე მუხლის მე-3 პუნქტის გ) ქვეპუნქტი, 23-ე მუხლის მე-2 პუნქტის გ) ქვეპუნქტი, 24-ე მუხლის მე-2 პუნქტის გ) ქვეპუნქტი, 25-ე მუხლის მე-2 პუნქტის გ) ქვეპუნქტი, 26-ე მუხლის მე-2 პუნქტის დ) ქვეპუნქტი ჩამოყალიბდეს შემდეგი რედაქციით:

„ბენეფიციარის დევნილის მოწმობის ასლი, იძულებით გადაადგილებამდე, აჭარის (ზემო აფხაზეთის) მუნიციპალიტეტში მუდმივი მაცხოვრებლის რეგისტრაციით, ხოლო ასეთის არარსებობის ან დევნილის სტატუსის არარსებობის შემთხვევაში – ინფორმაცია თვითმმართველი ერთეულის ტერიტორიული ორგანოს ხელმძღვანელისაგან – თვითმმართველი ერთეულის რწმუნებულისაგან, დახმარების მიმღები პირის აჭარის (ზემო აფხაზეთის) მუნიციპალიტეტში რეგისტრაციის თაობაზე“;

ბ) დადგენილებით დამტკიცებული წესის მე-17 მუხლის მე-3 პუნქტი ჩამოყალიბდეს შემდეგი რედაქციით:

„3. დახმარების მისაღებად ბენეფიციარის კანონიერი წარმომადგენლის (ან მისი წარმომადგენლის) მიერ მუნიციპალიტეტში წარსადგენია შემდეგი დოკუმენტაცია:

ა) განცხადება მუნიციპალიტეტის გამგებლის სახელზე;

ბ) განმცხადებლის პირადობის მოწმობის ასლი;

გ) ბენეფიციარ(ებ)ის დაბადების მოწმობის ასლ(ებ)ი;

დ) ბენეფიციარის დევნილის მოწმობის ასლი, იძულებით გადაადგილებამდე, აჭარის (ზემო



აფხაზეთის) მუნიციპალიტეტში მუდმივი მაცხოვრებლის რეგისტრაციით, ხოლო ასეთის არარსებობის ან დევნილის სტატუსის არარსებობის შემთხვევაში – ინფორმაცია თვითმმართველი ერთეულის ტერიტორიული ორგანოს ხელმძღვანელისაგან – თვითმმართველი ერთეულის რწმუნებულისაგან, დახმარების მიმღები პირის აჟარის (ზემო აფხაზეთის) მუნიციპალიტეტში რეგისტრაციის თაობაზე;

ე) ცნობა ზოგადსაგანმანათლებლო დაწესებულებიდან ბენეფიციარის პირველ კლასში ჩარიცხვის შესახებ;

ვ) ამონაწერი (თუ უფლებამოსილ პირად მითითებულია ბენეფიციარის კანონიერი წარმომადგენელი) / ცნობა სსიპ – სოციალური მომსახურების სააგენტოდან იმის თაობაზე, რომ ბენეფიციარი მიეკუთვნება სიღარიბის ზღვარს ქვემოთ მყოფ პირთა (რომელთა სარეიტინგო ქულა 57001-ზე ნაკლებია) კატეგორიას.“;

გ) დადგენილებით დამტკიცებული წესის მე-20 მუხლის მე-2 პუნქტის „გ“ ქვეპუნქტი ჩამოყალიბდეს შემდეგი რედაქციით:

„გ) სამხედრო დავალების შესრულების დროს დაღუპული პირის შემთხვევაში გარდაცვალების მოწმობის ასლი, სადაც მითითებული იქნება, რომ პირი სამხედრო დავალების დროს დაიღუპა ან/და სხვა შესაბამისი დოკუმენტი“;

დ) დადგენილებით დამტკიცებული წესის მე-15 მუხლის მე-2 პუნქტის ე) ქვეპუნქტი ამოღებულ იქნეს;

ე) დადგენილებით დამტკიცებული წესის მე-9 მუხლის მე-2 პუნქტის ბ) ქვეპუნქტი ჩამოყალიბდეს შემდეგი რედაქციით:

„ბ) განმცხადებლის პირადობის მოწმობის ასლი და ნათესაური კავშირის დამადასტურებელი დოკუმენტი (დაბადების მოწმობის ასლი) ან შესაბამისი უფლებამოსილების მქონე ორგანოს ან პირის მიერ გაცემული ცნობა (განცხადების ოჯახის წევრის მიერ წარმოდგენის შემთხვევაში)“;

ვ) დადგენილებით დამტკიცებული წესის მე-14 მუხლის მე-2 პუნქტის ვ) ქვეპუნქტი ამოღებულ იქნეს.
მუხლი 2

დადგენილება ამოქმედდეს გამოქვეყნებისთანავე.

აჟარის (ზემო აფხაზეთის)
მუნიციპალიტეტის საკრებულოს
თავმჯდომარე

სპარტაკ გურჩიანი

